

25727

Ю

092

Гулрух САИДМАХМУД қизи

Ю
25727
092

БАХТ

РУҲИ



25727

10 0

2000A-290592

Тулбуз

2000A-290592

Ирмаларга кизи

ирмаларга

Гулруҳ САИДМАҲМУД қизи

БАХТ РУҲИ

(Лирика)

Тошкент
«Истиқлол» - 2000

Тўпламдаги шеърларда ёш шоиранинг қалб тебранишлари, завқ-шавқи, шукронаси ўз ифодасини топган. Унда асосан меҳр-муҳаббат, висол орзуси ва ҳижрон дардлари куйланади.

*Тақризчи ва сўзбоши муаллифи -
Азим СУҲОН, шоир.*

Гулруҳ САИДМАҲМУД кизи

БАХТ РУҲИ

Мухаррир З.Жўраев
Рассом Ш.Мирфаёзов
Техн. муҳаррир Ж.Бекиева

Босишга рухсат этилди 17.07.2000 й.

Бичими 60x84 1/32.


Шартли б.т.1,5. Нашр б.т. 1,7. 1000 нусха.

Баҳоси келишилган нарҳда. Буюртма №

«Истиклод» нашриёти, Тошкент,
Навий кўчаси, 30. Шартнома № 29.
«Ношир» МЧЖ босмаҳонасида босилди. Келес
шаҳри, К. Ғофуров кўчаси.

ISBN 8244-1324-12

© «Истиклол» нашриёти, 2000 й.



25727
10 092

Қалбдан чиқувчи сатрлар...

Муҳтарам шеъроят мухлислари! Биз сизга таништирмоқчи бўлган муаллиф Гулруҳ Саидмаҳмуд қизи 1975 йилда Тошкент шаҳрида тугилган. Унинг бир қанча шеърлари матбуот саҳифаларида эълон қилинган. Иккита шеърига шоиранинг бобоси, ўзбек муסיқа санъатининг буюк даргаларидан бири, марҳум бастакор Муҳаммадjon Мирзаев муסיқа басталаб, қўшиққа айлантирганлар. Гулруҳнинг шеърларини ўқиганда бу шеърларнинг ҳар бир сатри покиза қалб чашмасидан отилиб чиқаётган зилол туйғулар сифатида киши эътиборини тортади. Бу шеърлар шоиранинг истеъдодидан далолат бериб турибди.

Сизнинг ҳукмингизга ҳавола этаётган шоиранинг ушбу “Бахт руҳи” туркумидан ўрин олган лирик шеърлари асосан сўнги йилларда яратилган бўлиб, сизнинг ҳам меҳрингизни қозонишига ишонамиз. Ўйлаёмизки, бу шеърый тўплам шоиранинг келгуси ижодий муваффақиятларининг дебочасидир.

Азим СУЮН

КЕЛУРМУСАН, КЕЛМАС ЁР

Фироқинг ўртайди жон,
 келурмусан, келмас ёр.
Юракдан сизмоқда қон,
 келурмусан, келмас ёр.
Янги ой чиқа бошлар,
 юлдуз чимиргай қошлар,
Болишга томар ёшлар,
 келурмусан, келмас ёр.
Туни билан мен нолон,
 тўлғониб мисли илон,
Соғинч ўтида бир ён
 келурмусан, келмас ёр.
Эриди тоғлар қори,
 кетди ғурур виқори
Куйлаб толди дил тори,
 келурмусан, келмас ёр.

КИРИБ КЕЛДИ КЕЛИНЧАК

Оқ либосга бурканиб,
Кириб келди келинчак.
Ибо билан бош эгиб,
Кириб келди келинчак.

Оху кўзи мафтункор,
Лаби гунча мисоли,
Сўзларидир бол «чак-чак»,
Кириб келди келинчак.

Хонадонга юлдуздай,
Ёқадаги кундуздай,
Худо берсин эгизак,
Кириб келди келинчак.

Оқ либосга бурканиб,
Кириб келди келинчак.
Ибо билан бош эгиб,
Кириб келди келинчак.

ОЛТИН КУЗ

Тўкин фасл олтин куз,
 ўлкамда кезиб юрар,
Ҳосилин қилиб кўз-кўз,
 бобо деҳқоним кулар.

Дарахтнинг кўзида ёш,
 бир-бир тўкилар япроқ,
Олислаб борар куёш,
 ой чиқар мисли ўроқ.

Қизнинг нозик ибосин,
 кўкка кўтариб ҳар вақт,
Қизғиш, сариқ либосин
 кийди она табиат.

Куз тарайди сочини
 она ерга кўрк бериб,
Шоир илҳом баргини
 олмокда ердан териб.

ИШОНМА

Кўз ёшим тўкмай десанг,
ҳар кимларга ишонма,
Чин кўнглин билмагунча,
дўстларга ҳам ишонма.
Сени кўкка кўтариб,
зимдан пайингни қирқиб,
Димоғингга хуш ёққан,
сўзларга ҳам ишонма.
Кўрк сочиб, япроқ очган,
кўп боқма гўзал гулга,
Хуснини кўз-кўз этиб,
жилмаяр ҳар булбулга.
Тинч яшай, десанг омон,
юрай десанг беармон
Кулиб турган ул қаро,
кўзларга ҳам ишонма.
Сўнгра бўлиб пушаймон,
кетгай омад ва дармон,
Сендан олислаб анча,
кетганида ул қарвон,
Умр оқар сувинда,
оқиб боради Гулрух.
Сойингда ракс тушган,
илонларга ишонма.

...ГА

Куёш уфққа ботганда ҳар он
Юлдуз мисол порлаб ёнасан.
Сени жоним йўқотсам бир бор
Бу ҳаётдан сен деб кечаман.
Қўлда шароб, юракда севги,
Кўзда меҳр, қалбда ҳис-туйғу.
Лайло каби ишқинг нурида,
Гунча гулман қалбинг тўрида.
Нечун бунча мен қўйдим меҳр,
Нечун фақат сени дерман мен.
Нега ўнгим эмас, тушимда,
Қучоғингни тўлдирдим гулга.
Шудир Фарҳод куйлаган севги,
Муҳаббат деб сарсон бўлган Қайс,
Худойим мен на қилай энди?..
Куёш уфққа ботганда ҳар он
Юлдуз мисол порлаб ёнасан.

ГУНЧА

Хаёт сеҳринг ишга сол,
 ғунчани кафтингта ол,
Дардларига кулоқ сол,
 тилларидан томар бол.
Очилмаган бўлса ҳам
 хаётда кўпни кўрган,
Ғунчанинг бу ёш боши
 не кунларни кўрмаган.
Хар ерга етган кўли
 ҳолдан тойиб чарчади,
Бағри ерга қайрилиб,
 кўзи самога боқди.
Эй само, ой, қуёш-ла
 мени ўз бағрингта ол,
Хаётдан тўйиб кетдим,
 маконингта мени ол.
Хаёт сеҳринг ишга сол,
 ғунчани кафтингта ол.

УМИД ГУЛИ ОЧИЛУР

Беғубор кўк осмонга,
маржон юлдуз сочилур,
Ёш ниҳол юрагида
умид гули очилур.
Орзу қилиб, интиқиб,
кутган кунларим келур,
Севги тўла қалбида
умид гули очилур.
Гулингни саклагин ёр,
гўзал кун бўлиб келур,
Сен ишон азиз ёрим,
умид гули очилур.
Бахтинг чўлпондек чакнаб,
аждодлар сочади нур,
Бирга бўлса кўнгиллар,
умид гули очилур.

ҲИЖРОН

Хижрон босган юрагим
 хижолатда қолдим,
 Сен босган гулларингни
 кўз ёшларим ювдим?
 Бир кўрсам дейман сени
 ҳаётимда учратиб,
 Қўлингга гул тутарман
 тушларимда интиқиб.
 Хижрон босган юрагим
 тилка-тилка бўлди-ю,
 Юлдузни ой кўролмай,
 осмонда кул бўлди-ю.
 Хижрон босган юрагим:
 «Гулим» - дея сўзлайди,
 Сен босган йўлларингга
 Гули гулларин сочди.

СОҒИНЧ

Соғинч ўтида эй, куйдирма фалак,
Сени кўрмасам гар юрагим ҳалак.
Ҳар неки десанг ҳам майлига жоним,
Сени кўрмасам гар тошади қоним.
Қон ютай десам-у, бўғзимда тошим,
Юрагим тилка-ю, дилим эса қон,
Хаёлим паришон, сендадир доим,
Кўзимдан йўлингга сочилгай маржон.
Соғинч ўтида эй, куйдирдинг фалак,
Сени кўрмайин мен ўтдим бешафқат,
Юрагимда ўзинг қолдирдинг армон,
Қалбимга санчиб қадалди камон.

СЕВГИМ

Куйла жўш урган севгим,
Куйла қалбим, юрагим.
Рақсга туш вужудим,
Қайдасан, менинг севгим.

СИЗНИ КУТИБ

Кўзларим йўлингизга
 боқиб турар нигорон,
Қалбим юрагингизга
 савол беролмай ҳайрон.
Хижрон азобларига
 чидаб тураман бир он,
Қайтиб келармикин сиз,
 мен турай сизни кутиб?!

МУСТАҚИЛ БЎЛ

Мустақил бўл жон ўлкам,
 ўзбекнинг шон-шарафи,
Мардона қадам ташлаб,
 шухратинг турсин янграб.
Бағринг тўла ўғил-қиз,
 куч-қудратинг уларда.
Гуллар сочиб бағрингда
 яшнаймиз биз жаҳонда.
Етти ёшинг муборак,
 муборак бўлсин тўйинг.
Кўп йиллар-ла то абад
 номинг порлаб туражак.
Ўзбек халқим меҳмондўст,
 кенг қулоч қалбинг очгин.
Завқ-шавқ билан сен қара,
 улуғ байрам келмоқда.
Ўзбекистон она-юрт,
 водийларинг хўп гўзал.
Худойимга минг шукур,
 шу кунларга етказган.

ЁРИМ

Ёрим қайтгин ёнимга,
Ёнимгамас қалбимга,
Юрак тўла севгимга,
Нур бўлиб сен кўзимга.
Қайтмасанг оҳ чекарман,
Дарё бўлиб тошарман,
Ёлғиз харсанг бир тошга,
Дилимни мен очарман.
Ёрим қайтгин ёнимга
Ҳаётимга, қалбимга.

ТОПОЛМАДИМ МЕН

*Адам - Саидмаҳмуд Саидикром ўглига
багишлайман.*

Юрагимда қолди бир армон,
Кон тагида қолган гул мисол.
Сизни излаб мисли бир арслон,
Изларингиз мен тополмадим.

Уйимизнинг устунийдингиз,
Онагинам таянчийдингиз,
Менинг чексиз севинчимдингиз,
Сўзларингиз мен тополмадим.

Қоя-тошда бургут мисоли,
Олтин чўлда илон сингари,
Кўлмак сувда балиқ сингари,
Энди сизни мен тополмадим.

Чўққидаги мағрур куш каби,
Назокатли гўзал қиз каби,
Эслагувчи сизни ўзимман,
Кўзларингиз мен тополмадим.

Сизни излаб қабрингиз топдим,
«Отам» - дея тупроғин кучдим,
«Омин!» - дея кўлимни очдим,
Лек тола соч ҳам тополмадим.

Қабристонда қолган отам эй,
Устида гул ётган отам эй,
Бахтим кўрмай кетган отам эй,
Дур ёшимдан мен тополмадим.

ШАМОЛНИНГ ШҶХЛИГИ

Шамол эсар шивирлаб,
Сочларимни эркалаб
Толим қилиб учирар,
Юзларимни сийпалаб.
Даладаги буғдойлар,
Салом бериб эгилар.
ШҶхлигига шамолнинг
Эркаланиб кҶшилар.
Шамолдан уф тортади
Баланд-баланд чинорлар,
Синай дейди қарсиллаб,
ЙҶғон-йҶғон ул шохлар.
Менга эса ёқмоқда
Шамолнинг бу шҶхлиги,
Айланиб ул эсмоқда
Олтин барғлар ўйнатиб.

ҚИЗИЛ ГУЛ

*Бобом - Ўзбекистон халқ артисти,
бастакор Муҳаммаджон Мирзаевга
атаб.*

Гул кўтариб мен кўлда,
Кирдим сокин бир жойга.
Ям-яшил гўзал макон,
Ҳар бир инсон борар жой.
Қулоғимга чалинди,
Ногаҳон қудратли сўз —
Жойи жаннат, гул бўлсин,
Ҳар бир инсон борар жой...
Кўзда маржон-маржон ёш,
Кўлда бир даста гулим.
Кўйдим бир сўз айтолмай,
Меҳрибоним ётган жой.
Юрак-бағримни тилиб
Оҳ урдим, лек не фойда,
Инсон қадрига етар,
Уни йўқотган чоғда...

ТОЙЧОҒИМ

Ўғлим Алишерга

Тойчоқ ўғлим ўргилай,
«Ойи» деган тилингдан,
Мунчоқдек жовдираган,
чўғдай қаро кўзингдан.
Менга чошиб келасан,
қучоғинг, қўлинг очиб,
Юзларим эркалайсан,
бағримга ўзинг отиб.
Бахтимга омон бўлгин,
умидларим гулисан,
Улуғ бир инсон бўлгин,
боболаринг нақшисан.
Тойчоқ ўғлим ўргилай,
«Ойи» деган тилингдан,
Сени дуо қилгайман
чиққунча жон танимдан.

"БЕШ КУН ДУНЁ" ЎТГУНЧА

Яхшилик қилгин инсон,
қўлингдан иш келганча,
Одамни қон қақшатма
«Беш кун дунё» ўтгунча.
Болаларни асрагин
ўтган кунларни эслаб,
Кексаларни асрагин
эрта кечмишинг ўйлаб.
Бор экан танда жонинг,
кунларинг ўтган сайин,
Қаро ерга киришни,
охиратни ўйлагин.
Тангри олдига бориб,
кўзларинг ерга боқиб,
Савол-жавоб қилганда,
дўзах азобда қолиб,
Пушаймон бўлма шунда,
«Беш кун дунё» ўтганда...

АЗИЗИМ

Сени кутиб оламан
Йўллариңга интизор.
Кўнглиңга ўт соламан,
Нигоҳиңни кўрган он.
Кадрим билиб сен бир бор,
Эслайсан шунда мени.
Бўлмагин бунда ҳайрон,
Азизим дерман сени.

МУНДАРИЖА

Азим Суюн. Қалбдан чиқувчи сатрлар...	3
Келурмусан, келмас ёр	4
Кириб келди келинчак	5
Олтин куз	6
Ишонма	7
...га	8
Ғунча	9
Умид гули очилур	10
Ҳижрон	11
Соғинч	12
Севгим	13
Сизни кутиб	13
Мустақил бўл	14
Ёрим	15
Сув бўйида мажнунтол	16
Тополмадим мен	17
Шамолнинг шўхлиги	19
Қизил гул	20
Тойчоғим	21
«Беш кун дунё» ўтгунча	22
Азизим	23

150



Гулруҳ САИДМАҲМУД қизи-1975
йили Тошкент шаҳрида туғилган.
Болалигидан шеърлар машқ қилиб
келади. Унинг бир қанча шеърлари
матбуот саҳифаларида эълон қилин-
ган. „Бахт руҳи“ шоиранинг илк
тўплами.

„ИСТИҚЛОЛ“